



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Vitae Sanctorvm**

**Lippeloo, Zacharias**

**Coloniae Agrippinæ, 1603**

Vita S. Evergisli Coloniensis Episcopi, successoris S. Seuerini: Ex ea quæ est apud V. P. Laur. Sur. Quo tempore claruevit patet infrà.

**urn:nbn:de:hbz:466:1-42787**

VITA S. EVERGISLI COLONIENSIS Episcopi, successoris S. Seuerini : Ex ea qua  
 est apud V. P. Laur. Sur. Quo tempore clarue-  
 rit patet infra.

vide C. Ba-  
 ron in Not.  
 ad Martyr.  
 Rom.

EVERGISLVS nobili apud Tungros, in-  
 gens quondam Gallie Belgicæ oppidum,  
 parentum stemmate ortus, ab ipsa pueri-  
 tia præstanti indole præditus, ad summa & ar-  
 dua quæque virtutû culmina tendere visus est.  
 Elegans in eo corporis forma, & gratiæ virtu-  
 tisque insignia clarissima animum stimula-  
 bant assiduo, nè qua in re coætaneis suis in-  
 ferior appareret. Magna in eo adhuc puero  
 discendi sedulitas; præclara morum orna-  
 menta cernebantur. AEtate pusillus, scien-  
 tiæ quoddam & magisterij priuilegium præ-  
 se ferre videbatur; teneros annos quadam  
 senilis ætatis maturitate transcendens, homi-  
 nemque perfectum benè moratæ vitæ exem-  
 plis referens, Læctioni & studiorum profe-  
 ctui tanta animi contentione incumberebat,  
 vt prandiosum, quanquam non sinè paren-  
 tum offensione, in horam differret vespertinâ:  
 paruo contentus; idque quod sibi subtrahe-  
 bat, pauperibus impertiens; vt sic à teneris  
 pia optimaque viuendi consuetudine, & reli-  
 gionem imbiberet, & benignè faciendi disci-  
 plinam exerceret.

Ea tempestate Seuerinus Coloniensis ciui-  
 tatis ancistes nominis & meritorum splendore  
 illustri, magno studio suæ diocesis ecclesias  
 perlustrabat, vt Arianam hæresim dirè grassan-  
 tem profligaret, pestemque nefariam gladio  
 pugnât.

Seuerinus  
 Episcopus  
 hæresim A-  
 rianam op-  
 pugnat.

oris sui conficeret. Cumq; ea animi intentione etiam Tungros inuiferet, & diligenter de fide ecclesiae & studio cultus diuini inquireret; inter alia, multa tunc de Euergisli pueri religione ac pietate cognouit: mirasque virtutum primitias non sine admiratione & gaudio de puero audiuit.

*Assumit E-  
uergislium  
puerum.*

Quid plura? Exhilaratus iubet ad se adduci puerum; deprehendensque in illo indicia sanctitatis, sua spe & expectatione maiora, inardescit in eius amorem, hortaturque inter paternos complexus & oscula, ut secum proficiscatur. Non recusat sacer Christi tyrunculus, quin spreta ilico mundana gloriola, fallacibusque diuitijs omnino contemptis, alacriter sese totum in eius disciplinam tradit, vitaeque cursum ad eius voluntatem exacte instituit.

*Mirè proficit  
epud S. Sene-  
tinum.*

Atque interim bonae conuersationis successibus vegetatus, & diurnae consuetudinis beneficio confirmatus, amore insatiabili caelestis sapientiae fontibus inhiabat, & instar apes sedulae, diuinorum eloquiorum floribus insidens, intra pectoris sui aluearium, fidei virtutumque mella condebat.

*Fit Diaconus  
Euergislium.*

Cum autem beatus Episcopus eum aetate & moribus, maioris gratiae capessendis honoribus idoneum cerneret, prudenti sane consilio sacri altaris ministerio eum admo- uit, sicque per singulos gradus ad Diaconatum

natum vsque prouexit. Quo in ministerio dum sedulus versatur, & nocte ac die in Dei templo excubaret, quodam dominico, nocturnis horis pro consuetudine cum sancto Episcopo loca sacra inuisens, cælestem meruissit audire molodiam. Neque tamen, humi pariter cum suo Præsule prostratus, quidnam ea sibi vellent intellexit: donec ab Episcopo edoctus, sancti Martini animam è vita ad cælos, deducentibus Angelis, migrasse cognouit.

*Audit concentum Angelicum in obitu S. Martini.*

Tandem defuncto beato Seuerino, communibus Cleri & totius populi suffragijs, quanquam renitens, subrogatus est, magnæ tunc virtutis & sanctitatis vir: qui commissum sibi gregem eleganter instituit, calamitosi & afflictis egregiè subuenit, statum Ecclesie quotidie in melius prouexit: urbemque ipsam tantis ornamentis decorauit: vt ab incolis aurea Colonia non immeritò appellaretur.

*Succedit S. Seuerino in episcopatu.*

*Aurea Colonia cur sic dicta.*

Postquam autem in hisce alijsque virtutum exercitijs ætatem ferè deduxit, immodico capitis dolore vexatus, sacra loca, more suo orandi studio circuiuit. Cumque ad beati Gereonis sociorumque eius, templum malè valētium refrigerium peruenisset, flexis genibus in sanctorum memoriam, vti cōsueuerat, versum illum dicere cœpit: Exultabunt sancti in gloria: moxque cælitus responsum est, Latabuntur in cubilibus suis. Vndè intellexit cælesti edoctus spiritu, eo ipso die sanctos martyres animas suas cælo reddidisse. Ab eo ergo tempore vsque in præsens, eodem die quotannis,

*Psal. 149.*

X 4 ipso

*Sanatur ta-  
ctu sacri pul-  
ueris.*

ipso agente, illorum celebratur solēnitas. Ac-  
ceptum autem puluerem è sanctorum templo,  
malè affecto, cum signo Crucis, imponens ca-  
piti, sanus recessit.

*Inuist Tun-  
gros prædi-  
cationis ev-  
gā.*

Deindè fidei feruore multò magis inflam-  
matus, ad Tungros idololatriæ eliminaturus  
sordes, profectus est, Ibi magna cum auctorida-  
te, & maiori cum fructu, sacris aliquamdiu ha-  
bitis concionibus, cæleste pro meritis præmiū  
à Domino percipere meruit. Nam cum nocte  
quadam ex more ad S. Dei genitricis monaste-  
rium psallens pergeret, latrones ad iugulan-  
dos homines intenti, ex insidijs proflientes,  
ingentem sibi ex illo prædam pollicebantur.  
Vndè certatim irruentes, vnus ex illis teli ic-  
tu mortiferum ei vulnus inflixit. Deindè ad præ-  
dam cōuersi, cum omnia illius vestimēta scruta-  
ntes, nihil præter simplicem vestem inueni-  
rent, damnata propria temeritate & amentia,  
corpus eius, nè crimen prodatur, in loco secre-  
tiori virgultis opertum reliquerunt: ipsi sibi  
fuga consulentes, nihilque præter cruentā con-  
scientiam secum auferentes.

*Occiditur à  
latronibus  
ibidem.*

Manè oriente die, infaustus cædis eius nun-  
cius ad urbē delatus, luctu & mœrore Clerum  
populumq; compleuit. Aduolant properè cer-  
tatim ad locum omnes: vbi sacrum corpus vili  
opertum tegmine iacebat. Debite reuerendo  
funeri persoluunt officia; sacrosque artus in  
occulto quodā loco monasterij Gloriosæ Vir-  
ginis eo tempore celeberrimi cōdit loci illius  
episcopus; vbi tantæ mox virtutes meritis  
beati viri coruscant, vt incolæ palam tes-  
tarentur, illum eandem ipsis fidem in cælis  
coro-

*Et fertur  
fuisse Candi-  
dus vice  
loco Episco-  
pi.*

coronatum seruare, quam erga ipsos adhuc in terris degens declarasset. Ceterum anno Domini 937. fuere sacrae eius reliquiae per S. Brunonem Archiepiscopum Colonensem omni ueneratione Coloniae translatae ac magna cum solennitate in Ecclesia S. Caeciliae uirginis reconditae.

*S. Brunonis huius uita habetur 11. Octobris. Translatio reliquiarum Euergisli Coloniae.*

**MARTYRIVM S. ET GLORIOSI ARITHAE & SOCIORUM; & historia eorum, qua tunc facta sunt in regione Homeritide, uel Sabaea: Ex his qua Metaphrastes, exacte ac fidelissime descripsit.**

*Claret miraculis post obitum. Vide Tom. 7 Annal. C. Baron.*

**I**NSTABAT iam quintus annus, ex quo Iustinus Romani imperij sceptrum accepit; quo quidem tempore Elesbaan, uir propter pietatem & iustitiam celeberrimus, Aethiopiae imperabat, & in Auxumae ciuitate regiam construxerat. Porro Arabiam felicem (quae olim Saba, nunc autem Homeritis uocatur) ditione tenebat Dunaan Hebraeus; uir cum impietate insignis, tum Christiano nomini infensissimus: & ea propter totis uiribus Christianam eius ditione religionem pietatemque exterminare conabatur. Cuius quidem conatus impio Elesbaan frequenter bello infregit, & fuso fugatoque eius exercitu, tributis eius seruire coegerat. Interim Hebraeus simulato pro temporis necessitate, ocio & pace, clamulas denuo collegit vires, exercitumque instruxit, ut & acceptae cladis deleret ignominiam, & Christianos omnes una internecione deleteret. Nec frustratus est prospero perfidiae suae successu; nam & Christianorum praesidium,

*24. Octob. ra qui fuit Domini 522. Elesbaan Imperator Aethiopiae insigniter pius. Dunaan Hebraeus Arabiae Imperator & impius.*